

城固县志

一
四
册

城固縣志卷之十

署城固

縣事西鄉縣知縣雲間王穆重修

文

補直隸

州署城固縣知縣汪德懷重刊

本朝

御製訓飭士子文

國家建立學校原以興行教化作育人材典至渥也
朕臨馭以來隆重師儒加意庠序近復慎簡學使釐
剔弊端務期風教修明賢材蔚起庶幾棫樸作人之
意乃比來士習未端儒效罕著雖因內外臣工奉行

未能盡善亦由爾諸生積錮已久猝難改易之故也
茲持親製訓言再加警飭爾諸生其敬聽之從來學
者先立品行次及文學事功源委有叙爾諸生幼聞
庭訓長列宮牆朝夕誦讀豈無講究必也躬修實踐
砥礪廉隅敦孝順以事親秉忠貞以立志窮經考義
勿雜荒誕之談取友親師悉化儕儕之氣文章歸於
醇雅毋事浮華軌度式於規繩最防蕩軼子衿佻達
自蓄所譏苟行止有虧雖讀書何益若夫宅心弗淑
行已多愆或蜚語流言脅制官長或隱糧包訟出入

公門或唆撥姦猾欺孤凌弱或招呼朋類結社要盟
乃如之人名教不容鄉黨弗齒縱幸逃褫朴濫竊章
縫返之於裏能無媿乎況乎鄉會科名乃掄才大典
關係尤鉅士子果有真才實學何患困不逢年顧乃
標榜虛名暗通聲氣夤緣詭遇罔顧身家又或改竄
鄉貫希圖進取囂凌騰沸網利營私種種弊情深可
痛恨且夫士子出身之始尤貴以正若茲厥初拜獻
便已作姦犯科則異時敗檢踰閑何所不至又安望
其秉公持正爲國家宜猷樹績膺後先疏附之選哉

朕用嘉惠爾等故不禁反覆惓惓茲訓言頒到爾等
務其體朕心恪遵明訓一切痛加改省爭自濯磨積
行勤學以圖上進國家三年登造束帛弓旌不特爾
身有榮卽爾祖父亦增光寵矣逢時得志寧俟他求
哉若仍視爲具文玩愒弗儆毀方躍冶暴棄自甘則
是爾等冥頑無知終不能率教也旣負栽培復干咎
戾王章具在朕亦不能爲爾等寬矣自茲以往內而
國學外而直省鄉校凡學臣師長皆有司鐸之責者
竝宜傳集諸生多方董勸以副朕懷否則職業弗修

咎亦難追勿謂朕言之不預也爾多士尙敬聽之哉
康熙四十一年正月 日

臣聞厚風俗必先於正人心正人心必先於端士
習是故有菁莪棫樸之化然後有闕雎麟趾之祥
有辟離鐘鼓之風然後有卜世卜年之澤蓋教化
者王政之急務而士習者又教化之先資也我
皇上懋學緝熙自強不息萬幾餘暇博極羣書綜
百氏之源流貫千年之道法廣羅英俊興起斯文
尤念道德必本於躬行學術最先於器識所以扶

植人材振舉學校者孜孜汲汲曲盡其詳俾以居
敬爲修德之大源以窮理爲成材之要務以忠孝
節廉爲日用倫常之矩矱以文章經濟爲致身報
國之羽儀惟恐學宮弟子或有不協於訓者 御
製訓飭士子文一道頒之天下刊立學宮俾普天
士子咸識自重之義詞意則天開地闢日麗星明
書法則霞起雲蒸龍翔鳳翥 天威咫尺炳炳烺
烺真萬世之球圖千秋之金鑑也 臣已重爲摹勒
頒示西陲又念 聖訓詳明億萬禩所宜共爲遵

守謹復刻之陝西通志碑

皇言永布與南山華

嶽並其久長不獨爲三秦今日士子之式且爲萬

世士子之式忠

君愛父沐浴

恩綸

寶曆無

疆永圖翊戴

聖天子之文直與六經同爲不朽

多士其敬聽之康熙四十四年五月二十六日巡

撫陝西等處地方贊理軍務都察院右副都御史

加五級又加軍功五級紀錄十五次臣鄂海恭跋

上諭十六條約解

敦孝弟以重人倫

此條是教人愛親敬長之意人

生天地間父母恩德最重兄弟情義最親所以將
此條列於第一使人皆知人倫爲重孝弟爲先爲
子者必須時刻存此孝心竭力奉養使父母歡喜
不作非爲保守身名使父母無憂爲弟者必須尊
敬兄長相親相愛不分彼此和好無尤人能如此
孝弟鄉黨鄰里必然敬重朝廷官長必然旌獎
倘若不孝不弟違犯教令奉養有缺兄弟相爭視
同仇敵不但被人痛罵比爲禽獸抑且得罪天地
神明定遭國法矣

篤宗族以昭雍睦 此條是教人厚待宗族之意同
宗一族之人雖有五服以內五服以外親疎遠近
之不同總是始祖一人生傳下來不可與異姓一
樣看待平日無事之時務要親睦和好不可爭長
較短倘遇患難婚喪之際務要竭力週全不可視
同陌路我旣如此待族中族中人也必如此待我
彼此相親相厚自有無窮好處若只管自己不篤
宗族一旦也有患難婚喪之事誰肯相幫相助便
彼此俱失雍睦之風矣

和鄉黨以息爭訟

此條是教人和睦鄉黨之意鄉

黨之中不論同姓異姓親戚朋友如城中同在一坊居住鄉間同在一村居住皆謂之鄉黨既然同居一處朝出暮見就如至親骨肉一般年高之人要尊敬他孤寡之人要憐惜他我若富貴必須謙讓我若貧窮也須安分平日和平謙遜自然彼此無爭切不可倚勢橫行欺良壓善稍有小忿許訟公庭爭訟不止後來傾家蕩產兩敗俱傷可見爭訟不是好事若要息爭訟尤要和鄉黨鄉黨既和

爭訟自息矣

重農桑以足衣食

此條是教人務本養生之意農

夫不耕則無食婦女不織則無衣所以教人重農
桑者原要百姓豐衣足食耳人生世上不食則飢
無衣則寒衣食二字斷不可少畢竟男女勤苦種
地養蠶收得稻麥做出絲綿庶幾可望豐足不消
求人何等安穩快樂若不務農桑遊手好閒男不
耕女不織田園荒蕪機杼零落自然衣食無資不
是揭借求人賣男鬻女就是乞食外方甚至偷盜

爲非無所不至一朝敗露刑罰隨之悔無及矣

尙節儉以惜財用

此條是教人省儉防後之意大

凡一身一家穿喫使用婚喪交接各須稱家有無
不必強圖體面儘力省儉不可浪費每見貧窮之
家平日盼衣食豐足都不能穀稍遇有餘便想奢
侈不肯積蓄何消幾時依舊無衣無食富貴之家
不知物力艱難一味奢華將祖父所畱產業任意
花費何消幾時也就無依無靠此皆不知節儉之
故所以古人三年耕必餘一年之蓄九年耕必餘

三年之蓄若能節儉量入爲出有餘之家更加寬厚不足之家漸至有餘

隆學校以端士習

此條是訓迪士子之意國家

作養人材振興文教原爲士子讀聖賢之書後來爲鄉爲相治國安民以收得人之效無如有一等士子習尙不端以青衿爲護身之符行非分之事得不義之財全不誦習詩書畱心學問甘心汙下玷辱斯文此等士子不但不能上進抑且爲士林所不齒若平日有志有守發奮用功所言所行皆

合聖賢道理異日出仕登朝自能建功立業矣諸
生各宜守身如玉以副隆重學校之意勉之勉之
黜異端以崇正學 此條是崇尚正學之意聖賢學
問所講者皆正言所行者皆正道依着聖賢之言
做去自然不錯無奈世人不遵聖教偏喜新奇怪
異如何可以成仙成佛如何可以得富得貴其實
是行不得做不來之事他偏說得活靈活現哄動
人心因之書符咒水扶鸞禱聖自號端公師婆及
白蓮社白雲宗等會一切邪教亂正之術煽惑騙

財敗壞風俗莫甚於此所以教人黜異端崇正學者無非要人所言所行務遵聖賢道理斷不可被此等人所惑

講法律以儆愚頑 此條是教人遵守法度之意

國家設立法令律例原以安良剪惡若人皆知禮義法度則刑罰原可不用但世人有善有惡不得已設下法律以禁制之如不孝不弟爲姦爲盜霸人田地不完錢糧誣告越訴逞強欺弱唆人告狀窩藏逃人左道惑衆遊手賭博重則凌遲斬絞輕

則笞杖徒流犯有大小法有重輕其中條款不能盡述總之要人畏懼法律不敢爲非凡爲父兄師長之人務須平日講解分明使愚頑之輩知有王章安分守已慎勿以身試法也

明禮讓以厚風俗 此條是教人循禮謙讓之意凡人在世大而五倫之內小而日用之間事上接下一舉一動件件皆有禮節人人不可缺少無奈世人好勝爭強佔便宜用機巧將禮讓二字丟過一邊父子不親兄弟不睦鄰里鄉黨親戚朋友不相